



Basler Pflänz 1923.



1. M'r hän in Basel rächt viel Bangge
Ebbe-n-emol thuet aini schwangge
Die solidschti und die beschti Bangg
Isch halt doch e **Schnitzelbangg**.
2. Zuer Wiehnacht hän viel Basler „Dame“
E Gschänggli kriegt, wit iberm Rahme.
E Pelzschagett vo Hermelin
Der „Pape“ hebs brocht vo Berlin.
3. D'r Pauli Hug an d'r Falknerschtröss
Het e Fox-Terier, dä gieng schin's los. (vo der Kettene)
Uff em Märtpplatz mache d'Wiber e G'schrai
Will das Hindli lipft **anere Zaine** s'Bai.
4. Schtigt e Wäschere ins Tram, mit eme Korb voll Sogge,
So bliebe d'Lit scheen ruehig hogge.
Kunnt aber d'Frau Neracher mit eme Schleiër, Bluff und Gschtaad
So gumpe die ältste Kracher uff. **mache Platz** per Yberschlag.
5. S'Gaudianum isch abbrennt,
Halb Basel isch uff Dornach grennt, —
Au d'Schpalemer **Dampfschpritzli**, aber oh]ha, he do schtingta,
Die mag nit rächt säll Bibeli uff, macht zwei Mol Richtig linggs.
6. Dr Mohler het zuem Scholer gsait,
Du bisch e ganz verruggte Kaib,
Mit dine Schprich kasch mi nit fugse,
Chum, hilf'sch mer gscheiter **Schiibe butze**.
7. Wart'sch naime uffs Tram, s'isch kaibe guet,
Schtosch e halb Schtund ane, kunsch in e Wuet.
Uff aimol aber, s'isch interessant,
Kemme **8 Kasette** hinterenand.
8. E Bahnhofeschltler blibt im Uffzug lange,
Mitsamt sim Zahltag isch dä Ma i'gfange.
E Sous-Chef isch in die **Schpanischi** g'rent,
Und het em e Muß Rate abeglangt.
9. Uff der Gallerie rächts im Grossrotssaal,
Isch's **W. C. bschlosse** heegsch fatal.
Sott sone Schpritzer an das Ertli go,
So muess ers vorusse schnättere lo.
10. Im Grosse Rot do gits e Hetz,
Wage dem „Schnapperli“ sim Gsetz.
Dr Hugi Bummi macht e Grummi Dummi, — —
und sait, i will doch nit bi jedem Brogge,
Won **i gaxe will**, uff d'Schnure hogge.
11. En Ehepaar wit iber Siebzig,
Das isch nadirilig nimme hitzig.
Doch d'Husbesitzer froge immer wieder:
Was isch, griege-n-er au no **Kinder iber?**
12. Vor zäh Jahr het me no Maidli g'seh
Die hän g'heeglet und g'schtrickt, au mit Frivolité
Hit pfiift's halt ganz anderscht bi so me n'Aengel
Mit 16 will jedi scho e **Hockey-Bängel**.
13. Wenn d'r wann nach **d'r Index** go,
So machets ungfähr wie dä do,
Dä het 3 halbi Liter g'schmurt, und s'Hinter vo-n-ere Ente
Fir e sydigi Schnuer het's au no g'längt, jetz g'sehn deren do hängge.

